


日本漢文學百家集

王焱 編

460



北京燕山出版社



王焱 主編

日本漢文學百家集
460



北京燕山出版社

第四六〇册

熙朝詩薈 卷六十一至卷六十八 友野霞舟 編 弘化四年
.....
—

熙朝詩薈

六十一之六十三

熙朝詩薈卷第六十一目錄

藪慙 百九十四首

熙月寺

錦天山房

Table with 10 columns and 1 row. The table is mostly empty, with some faint markings in the rightmost column.

--	--	--	--	--	--	--	--	--	--

Table with 10 columns and 1 row. The table is mostly empty, with some faint markings in the rightmost column.

熙朝詩薈卷六十一

江都 友野瑛 子玉輯

數慙

字士厚號孤山稱茂次郎慎菴季子也少力學
博涉經史能詩文鬱然有聲寶曆二年熊本侯
歲賜白銀二十錠以爲學資七年春命游學江
都遂游京師與關鐸西依周行河野子龍等締
交留學二年而歸時年僅踰弱冠十一年擢時
習館訓導又除助教賜俸米百五十包明和五
年陞教授後游京攝與中井竹山兄弟賴春水

尾藤約山等定交藩侯甚貴重之益俸米至六百包天明七年宇土侯入義宗國勵心庶政方嚮儒術益注甚篤寬政元年患風痺乞辭職納俸不許明年疾篤仍申前請乃許之賜其子泰記俸米四百包又賜養老俸三十口以優之未幾而卒門人島田貞孚序其遺稿云教授孤山藪先生自少受家學尊崇程朱學術既正矣而又天資穎悟洞達時勢通曉人情實有為之士也故誨弟子鑄鎔不偏能知其才之所長從而有成焉故門下之士有以德行稱者有以文學

鳴者或以政事著或以經術聞其餘論兵擊劍
醫卜浮屠之類遠邇請益者日月滋衆先生應
接懇到誨之不倦人咸悅服各有所得者以先
有為之才能鑄鎔之也

錦天山房詩話孤山詩五古頗近韋柳清而能
麗綺而不靡深得唐賢之遺雖差遜秋玉山之
痛快而高華過之前後比肩固無愧色

游米大夫棧釣圖

澤雉思高隴谷鳥戀喬林當此和煦候誰不豁懷襟米
公富丘園乃在壺川陰雖無臺觀壯卜境何幽深曲沼

引流泉曠軒面遠岑
蒿柯搖清吹新葩滋
甘露芳杜飄馥郁游
鱗屢浮沈夫子汎愛
衆公退此盍簪寧無
歡樂具唯挾瑟與琴
庭適存微醉言懷在
永吟滿盈神所惡富
貴衆所淫願君慎令
德守斯樸素心

王昭君辭

胡虜人所賤遠別我
攸傷豈謂漢家女萬
里嫁朔方倉皇下金
殿揮淚辭君王轅馬
來相促琵琶曲未央
驅車就征路回顧以
彷徨曠野邈無限山
川阻且長北風何激
烈沙漠自飄揚去家
日已遠遂至單于疆
異類固難好哀鬱結
中腸旃裘非吾服穹
廬非吾房閼氏雖云
貴

馬持舊時粧昔作上苑花今爲幽谷芳偏恐秋節至空
隨百草亡願假冥鴻翼高翔返故鄉

六月望夕汎舟二丁港乘潮泝綠河

停橈候潮水橫舟傍海磯日入炎雲盡江澄暑色微况
此三五夕欣與子同歸東嶺吐皎月激灑漾清輝帆過
沙岸轉潮起水禽飛微風生蘋渚涼氣滿紵衣夜短杯
行促秋近鱣魚肥河漢易西傾烏鵲欲何依爲君歌一
曲滄浪意不違

養蠶詞

五日不梳髮十日不畫眉戴雋降桑上安得理容姿丁

壯刈大麥腰鎌赴東菑童子尋芳州驅犢在西陂蠶事
集一身拮据欲控誰野桑枝遠揚舍桑折低枝所似王
稅薄纒成有餘絲願織翁姑帛以御冬雪時

花下送人

昨日滿樹花今朝半謝枝今日分手人明朝天一涯平
生苦離別况復落花時花落有來歲君去無歸期此別
須醉別莫辭酒滿卮

寄中竹山

周公膺戎狄孟軻闢楊墨邪說害人心仁義忽充塞如
何昭明代聖路生荆棘詭譎譏前賢猖狂笑道德胥溺

如洪水蕩蕩不可抑而余何爲者仰屋常歎息雖有填
海志曾無移山力中君豪傑士風神何崑崙咀嚙飽經
藝英華發胸臆將著數萬言以祛天下惑小蠅思驥尾
微禽戀鳳翼臨風寄一言擊蒙在誠惻

溪橋探梅

南浦無紅蓮東籬無黃菊誰識冰雪中美人在空谷策
杖入巉巖何處訪幽獨溪水寂無聲四山皓如玉過橋
且躊躇恐有香風續

獨坐對山

山人不入市市人不到山誰共作賓主獨自對巖顏

顏無喜怒交意淡閑閑不迎君常至相送君不還我今
醉欲眠且去白雲間

月夜舟行

放舟因明月月亦似隨舟停棹何容與舟行恐月流病
牀觀此畫身世兩悠悠月斜莫深嗟猶可殘夜遊

禪觀水月

前池秋水滄中天秋月明高僧開半眼水月兩盈盈無
風一金鏡有浪百瓊瑛我試問此理畫裡寂無聲

過井子琴琴山小隱不遇題其壁

杖策涉西溪衡門何寂寂主人適未歸孤客空相覓雖

無琴酒歡懷襟得暫滌徑迴園自溪石欹泉益激清氣
集生風嵐光凝欲滴宿鷺下前汀歸鴉去何適獨徃思
禽尚耦耕憶沮溺日暝不能留題詩滿虛壁

黃備天海子倏然見寄詩并畫千里求交賦以答

謝

古人貴神交今人重面識面識有老少神交無畛域邈
矣天海子乃在黃備國波濤如連山可望不可即春風
吹歸雁萬里從海極遺我畫與詩情意何悃悞詩足聽
心聲畫足視顏色恍疑把君手談笑一堂側始知神交
者胡越無南北

玖磨灘

朝辭玖磨城直下玖磨灘灘灘各爭雄
百里相接連小舫如一葉飄忽汎波瀾
兩槳夾艫舳邪呼避石端建瓴千仞上
奔流駛羽翰俯瞰眩前壑背指失後巖
水霧何濛濛日出已三竿猿聲無近遠
崖樹屢交遷男兒四方志鬱勃滿心肝
雖犯垂堂戒喜逢竒絕觀江天忽空濶
舟楫漸平安眷言同濟客艱難那可誼

訪田處士得藥字

一徑度郊原迢迢入墟落萬竹無並隣
人如雲間鶴留我具雞黍臨泉洗杯杓
夾指屋外山此中可採藥